



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**M. Adami, Scriptoris Vetvsti, Historia Ecclesiastica,  
Religionis Propagatae Gesta, Ex Hammabvrgensi  
Potissimum Atque Bremensi Ecclesiis, Per Vicina  
Septentrionis Regna**

**Adamus <Bremensis>**

**Helmetadi[i], 1670**

XII. Diploma Imp. Ottonis I. De Ecclesiis Hambvrgensi Svffragantibvs.

**urn:nbn:de:hbz:466:1-11096**

7. 149.  
Meibomi.  
um p 117.

nostrorum sagacitas, qualiter nos pro mercede vitæ permā-  
nentis, & per interventum charæ conjugis nostræ Edgidæ  
atque Thietarii fidelis nostri, in proprium damus ad locum  
nominatum Hammaburg, quicquid in locis sic nominatis,  
Bremum, Birsina, Ramaslo, Buckin, proprietatis hu-  
cusq; habere visi sumus, in terris cultis, & incultis, agris,  
pratibus, pascuis, campis, molendinis, piscationibus, aquis, a-  
quarum decursibus, viis & invisiis, quæsitis & inquirendis,  
omnibusq; ad præfata loca jure legitimoq; pertinentibus, fir-  
miter in proprietatem donavimus, ad utilitatem Hamma-  
burgensis Ecclesiæ Episcoporum. Inde etiam munificæ largi-  
tatis nostræ scriptum fieri jussimus, per quod volumus, fir-  
miterq; jubemus, quatenus Archiepiscopi Hammaburgensis  
Ecclesiæ habeant potestatem, quicquid illis placuerit, facien-  
dum. Et ut hoc à fidelium nostrorum industria verius creda-  
tur, ac per succedentium temporum curricula diligentius ob-  
servetur manu nostra subtus illud confirmari curavimus, &  
annuli nostri impressione consignari jussimus. Data VI. Idus  
Augusti Indictione X. Anno Dominicæ incarnationis  
DCCCCXXXVII. Anno autem Ottone regnante rege II.  
Actum in VValahusen, Amen.

## XII.

DIPLOMA IMP. OTTONIS I. DE EC-  
CLESIIIS HAMBURGENSESI SVFFRA-  
GANTIBVS.

In nomine sanctæ & individue Trinitatis: Otto divina  
favente

favente Clementia Imper. Aug. Quam Imperatoriae digni-  
tatis officium esse constet, ut erga divini cultum officii per-  
vigili cura insistant, & quicquid augmentum sanctae Christi-  
anae religioni adhibere potuerint, indefinenter in hoc stude-  
ant. Idcirco nos interventu dilecti Archiepiscopi nostri  
Adaldagi prosperitate & incolumitate imperij nostri, quicquid  
proprietatis in marca vel regno Danorum ad Ecclesias in ho-  
norem Dei constructas, videlicet Slesvvigensem, Ripen-  
sem, Arnusensem, vel adhuc pertinere videtur, vel futu-  
rum acquiratur, ab omni censu vel servitio nostri juris absol-  
vimus, ut & Episcopis praescriptarum ecclesiarum absq; ulla  
Comitis vel alicujus fisci nostri exactoris infestatione serviant  
& succumbant, volumus & firmiter jubemus. Servos ve-  
rò & colonos in eisdem proprietatibus habitantes, nulli nisi  
eisdem Episcopis servituros, ab omni etiam nostri juris ser-  
vitio absolvimus, & sub nullius banno vel disciplina illos, nisi  
sub allarum Ecclesiarum Advocatis esse volumus. Et ut hoc  
auctoritatis nostrae praeceptum firmum & inconvulsam per-  
maneant, hanc cartam conscribi, annulig; nostri impressione  
figillari iussimus, quam & manu propria subtus firmavimus.  
Data VI. Kalend. Iulij Anno Dominicae incarnationis  
DCCCCLXV. [ e Indictione VIII. ] Domini Ottonis Impe-  
rij IV. Regni autem XXX. Actum Magdeburgh in Dei  
nomine Amen.

Extat ap.  
Linden-  
brog. pag.  
150. apud  
Meibom.  
pag 115.  
Citat Ada-  
mus lib. 2.  
cap. 2 p. 43.

Meibom.  
d Arulen-  
tem.

e Desunt  
hæc ap.  
Meibom.